

**ZAPISNIK O RADU SA
DVANAESTE RADNE SJEDNICE SKUPŠTINE KANTONA SARAJEVO
ODRŽANE U SRIJEDU, 24.07.2019. GODINE
SA POČETKOM RADA U 10,00 SATI**

Predsjedavajući Elmedin Konaković (U daljem tekstu: predsjedavajući) je otvorio 12.Radnu sjednicu Skupštine Kantona Sarajevo i pozdravio sve prisutne u sali.

Nakon obraćanja predsjedavajućeg uslijedilo je intoniranje Himne BiH.

Prema evidenciji Službe, sjednici prisustvuje 30 zastupnika i zastupnica, što je dovoljan broj za punovažan rad i odlučivanje.

Sjednici su prisustvovali/le zastupnici/zastupnice:

SDA - STRANKA DEMOKRATSKE AKCIJE

1. Hamed Aljović
2. Samra Čosović-Hajdarević
3. Aljoša Čampara
4. Mirza Čelik
5. Sabahudin Delalić
6. Mahir Dević
7. Amra Hasagić
8. Admela Hodžić
9. Smiljana Viteškić

POLITIČKA ORGANIZACIJA "NAROD I PRAVDA"

1. Vedran Jakupović
2. Elmedin Konaković
3. Danijela Kristić
4. Amel Mekić
5. Arijana Memić
6. Elvedin Okerić

POLITIČKA ORGANIZACIJA GRAĐANA "NAŠA STRANKA"

1. Vildana Bešlija
2. Neira Dizdarević
3. Vibor Handžić
4. Elvis Vreto

SOCIJALDEMOKRATSKA PARTIJA BOSNE I HERCEGOVINE

1. Srna Bajramović Srna
2. Igor Stojanović
3. Samir Suljević

SAVEZ ZA BOLJU BUDUĆNOST BIH – FAHRUDIN RADONČIĆ

1. Jasna Duraković
2. Zvonko Marić
3. Dževad Poturak
4. Bilsena Šahman

DEMOKRATSKA FRONTA

1. Senad Hasanović
2. Bibija Kerla
3. Sead Milavica

NEZAVISNA BOSANSKOHERCEGOVAČKA LISTA

1. Amra Junuzović-Kaljić

BOSS-BOSANSKA STRANKA – MIRNES AJANOVIĆ

1. Haris Pleho

SAMOSTALNI ZASTUPNICI/ZASTUPNICE:

1. Damir Nikšić

Izostanak sa ove sjednice opravdali su: Jasmina Bišćević-Tokić, Damir Marjanović i Fahrudin Pecikoza.

U daljem obraćanju predsjedavajući je uputio čestitke zastupniku Sabahdinu Delaliću i Reprezentaciji u sjedećoj odbojci na osvojenoj srebrnoj medalji na Europskom prvenstvu. .

Prijedlog dnevnog reda 12. radne sjednice Skupštine Kantona Sarajevo utvrdio je Kolegij Skupštine na sjednici održanoj dana 12.07.2019.godine.

Na osnovu člana 73. Poslovnika Skupštine Kantona Sarajevo, Kolegij Skupštine Kantona Sarajevo, dana 19.07.2019. godine, prihvatio je da se Prijedlog dnevnog reda 12. radne sjednice, dopuni sa sljedećim tačkama:

1. Prijedlog odluke o vršenju ovlaštenja u privrednim društvima sa učešćem državnog kapitala iz nadležnosti Kantona Sarajevo (razmatrat će se kao tačka 8.);
2. Prijedlog odluke o davanju saglasnosti na Izmjene i dopune Finansijskog plana Zavoda zdravstvenog osiguranja Kantona Sarajevo za 2019. godinu i na Odluku o izmjenama i dopunama Odluke o izvršavanju Finansijskog plana Zavoda zdravstvenog osiguranja Kantona Sarajevo za 2019. godinu; (razmatrat će se kao tačka 9.);
3. Dokument okvirnog Budžeta Kantona Sarajevo za period 2020-2022 godina - informativni materijal.

UTVRĐIVANJE DNEVNOG REDA SJEDNICE

Prijedlog dnevnog reda 12. Radne sjednice Skupštine Kantona Sarajevo:

1. Poslanička/zastupnička pitanja, inicijative i odgovori;
2. Prijedlog zakona o izmjenama i dopunama zakona o unutrašnjim poslovima Kantona Sarajevo - skraćeni postupak;
3. Prijedlog zakona o dopunama Zakona o preuzimanju, izmjenama i dopunama Zakona o zakupu poslovnih zgrada i prostorija;
4. Nacrt zakona o lokalnoj samoupravi;
5. Nacrt zakona o izmjenama i dopunama Zakona o obrazovanju odraslih;
6. Prijedlog odluke o davanju saglasnosti na Program rada sa Finansijskim planom Kantonalne javne ustanove za zaštićena prirodna područja za 2019. godinu;

7. Prijedlog odluke o davanju saglasnosti na Program rada sa finansijskim planom Javne ustanove za 2019. godinu:
 - a) Narodno pozorište Sarajevo;
 - b) Sarajevska filharmonija;
 - c) Pozorište mladih Sarajevo;
 - d) Kamerni teatar '55 Sarajevo;
 - e) Sarajevski ratni teatar - SARTR;
 - f) MES - Međunarodni teatarski festival - Scena MESS;
 - g) Muzej Sarajeva;
 - h) Historijski arhiv Sarajevo;
 - i) Bosanski kulturni centar;
 - j) Biblioteka Sarajeva;
 - k) Muzej „Alija Izetbegović“, Sarajevo;
8. Prijedlog odluke o vršenju ovlaštenja u privrednim društvima sa učešćem državnog kapitala iz nadležnosti Kantona Sarajevo;
9. Prijedlog odluke o davanju saglasnosti na Izmjene i dopune Finansijskog plana Zavoda zdravstvenog osiguranja Kantona Sarajevo za 2019. godinu i na Odluku o izmjenama i dopunama Odluke o izvršavanju Finansijskog plana Zavoda zdravstvenog osiguranja Kantona Sarajevo za 2019. godinu;
10. Prijedlog odluke o davanju saglasnosti na nacрте ugovora o kupoprodaji nekretnina-etažno vlasništvo u stambeno-poslovnom objektu Niz B, Lamela B1, B2 i B3, izgrađenog u naselju Dobrinja V, Općina Novi Grad Sarajevo, koje će Kantonalni stambeni fond Sarajevo, kao Prodavac, zaključiti sa kupcima nekretnina;
11. Prijedlog odluke o davanju saglasnosti na nacрте ugovora o kupoprodaji u stambenom objektu O-3B, izgrađenom u naselju Rosulje, Općina Vogošća, koje će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcima nekretnina;
12. Prijedlog odluke o davanju saglasnosti na nacрте ugovora o kupoprodaji u stambenom objektu K-36, izgrađenom u naselju Šip, Općina Centar, Sarajevo, koje će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcima nekretnina;
13. Prijedlog odluke o davanju saglasnosti za zaključivanje Sporazuma o saradnji na sprovođenju državnog Projekta “Zatvaranje kolektivnih centara i alternativnih smještaja putem obezbjeđenja javnih stambenih rješenja” u okviru Projekta CEB II – Podprojekat Kanton Sarajevo, Općina Hadžići – Tarčin;

ZASTUPNICI I ZASTUPNICE SU POZVANI/NE DA SE IZJASNE O DNEVNOM REDU I NAKON GLASANJA KONSTATOVANO JE DA JE SKUPŠTINA VEĆINOM GLASOVA (22 „ZA” I 7 „SUZDRŽANIH”) USVOJILA DNEVNI RED ZA 12. SJEDNICU KAKO JE I PREDLOŽEN.

Kao informativni materijal zastupnicima je dostavljen:

- Dokument okvirnog Budžeta Kantona Sarajevo za period 2020-2022 godina.

AD – 1.

POSLANIČKA/ZASTUPNIČKA PITANJA, INICIJATIVE I ODGOVORI

Zastupnička pitanja i inicijative podnijeli su sljedeći zastupnici i zastupnice:

Zastupnica Bibija Kerla je podnijela sljedeće (citiramo):

Ja imam danas dosta pitanja bez inicijativa više, jer one se očito više i ne sprovede s obzirom da je već, mislim da imam oko šest neodgovorenih inicijativa, i samo su dvije usvojene.

Počet ću od pitanja za Vladu, odnosno Ministarstvo saobraćaja. Pitanje se odnosi na funkcionisanje kružnog toka u naselju „Hrasno brdo“ kod pekare AS?

1. Molim da mi se odgovori ko je nadležan za brigu i održavanje kružnog toka, njegovog podzemnog i nadzemnog dijela?

2. Kome se građani naselja Hrasno, Hrasno brdo ali i ostali građani Sarajeva koji žele proći kroz podzemni dio toka mogu obratiti da im se obezbjedi sigurnosni ulaz i izlaz iz podzemnog dijela toka, jer već odavno taj ulaz niko ne čisti, ne obezbjeđuje, niti su u funkciji lifovi a ima ih 3. A uz sve to prokišnjavaju svi ulazi ?

3. Tražim da se Kanton Sarajevo uključi u ovu problematiku jer je učestvovao u izgradnji ovog kružnog toka , pogotovo što će se isti vrlo brzo pretvoriti u smetljište, izvor zaraze i okupljanja raznoraznih sumnjivih tipova. Obrazloženje: Zbog svih navedenih problema , ali i zbog evidentnog prokišnjavanja tog objekta, građani ovog dijela Sarajeva a i Kantona Sarajeva već odavno zbog bezbjedonosnih razloga ponovo prolaze direktno preko kružnog toka i time dovode u opasnost kako sebe tako i vozače koji prolaze njime, a da ne spominjem broj djece za čiju sigurnost roditelji i dodatno brinu.

- Kružni tok je na pompezan način otvoren prije 2 godine dana

- Najavljeno je da će na njemu bit 24 sata obezbjeđenje

- Da će bit uredno održavan održavan itd.

Poštovani to je sada samo bijedna slika onoga što je trebalo bit ponos ovoga grada, to sve skupa odaje vrlo ružnu sliku o nama pa molim ministra da mi da usmeni i pismeni odgovor o ovome problemu.

Dalje, postavljam pitanje u čijem vlasništvu firma „Centrotrans-DC" d.d. Sarajevo, kolika je njena vrijednost i šta sve spada u sastav firme? Je li izvršena privatizacija ove firme i pod kojim uslovima?

Obrazloženje:

Po nekim mojim saznanjima vrijednost ove firme je izuzetno velika, površina zemljišta također, a koliko ja znam već 5 godina kako sam u Skupštini kantona Sarajevo nemamo nikakav izvještaj iz ove firme. Dižu se privatni kredite i to u milionskim iznosima na ime firme, prodaju je poslovnice ove firme bez da iko ima pojma o bilo čemu , izdaju se poslovni prostori a kiriju naplaćuju privatna lica i još mnogo toga nezakonitog . Molim premijera ili ministra da mi da kratki usmeno obrazloži, a i detaljno obrazloži u pismenom obliku.

Imam pitanje za ministricu zdravstva. Kada će Ilijaš konačno dobiti adekvatnu zdravstvenu i socijalnu zaštitu stanovnika ove opštine? Obrazloženje: Broj liječnika u odnosu na broj stanovnika u Ilijašu je znatno manji od prosjeka BiH, a posebno je izražena potreba za liječnicima određenih profila (naročito pedijatar i ginekolog). Ovo primorava građane da zdravstvene usluge traže u Vogošći ili Sarajevu, te ih izlaže dodatnim troškovima transporta, ali i velikim gubicima vremena. Nedostaje i neuropsihijatrijska i neurofiziološka služba, kao i osnovni laboratorij. Ima li naznaka da će se situacija zdravstvene zaštite u ovoj opštini u skorije vrijeme popraviti? Sve ostalo dostavljam pismenim putem. Hvala lijepa.

Dopredsjedavajuća Danijela Kristić je podnijela sljedeće (citiramo):

Zahvaljujem predsjedavajući. Pozdravljam sve prisutne i gledaoce kraj malih ekrana. Prvo ću krenuti sa jednim zastupničkim pitanjima. Znači ambulanta u Rosuljama je trebala početi sa radom krajem 2018, zašto nije i kada je plan da se ista otvori? Obrazloženje: Zbog velikog broja RVI, starih i nepokretnih osoba, ali i zbog gravitiranja stanovništva Rosulja, prošle godine je opremljena ambulanta u jednom od objekata u ul. 24 juna. Prema izjavama predstavnika izvršne vlast i predstavnika nadležnog Ministarstva i Doma Zdravlja KS, ambulanta je trebala početi sa radom krajem 2018. godine. Nažalost, nije počela sa radom, iako je vizuelno uočljivo da su svi radovi završeni. Zabrinjavajuće je što se sa vanjske strane već vide neka oštećenja na objektu, iako ist nije ni počeo sa radom.

Pokrećem inicijativu da se centralizira analiza mikrobioloških briseva cervix-a i vagine na Chlamidiv, Micoplasmu i Ureaplasmu na Klinici za ginekologiju gdje se na Odjeljenju za dijagnostike i poliklinike već rade ove analize

Obrazloženje: Žene u fertilnom dobu, a posebno one koje se liječe od neplodnosti ili imaju komplikacije u trudnoći često moraju radit navedene pretrage.

Da bi uradile navedene briseve, pacijentice naprijed trebaju uputnicu za Kliničku mikrobiologiju na Univerzitetkom kliničkom centru Sarajevo od doktora ginekologije iz Zavoda za zaštitu žena i materinstva. Potom će na Kliničkoj mikrobiologiji dobit setove koje hitno moraju odnijet u Zavod za zaštitu žena i materinstva kako se taj repromaterijal za bris ne bi pokvario, a bris će uradit kada dobije termin za isti, pa ne mora značit da će radit bris onog dana kada dostave setove u pripadajuću ambulantu Zavoda. Kada konačno urade pomenute briseve u Zavodu, iste hitno trebaju ponovo nosit na Kliničku mikrobiologiju jer Zavod nažalost samo služi da pacijenticama v konkretno slučaju daju uputnicu i urade bris. Molim Ministarstvo zdravstva da iznađe najbolji način kako bi se put pacijenta u ovom slučaju maksimalno konkretizirao i olakšao i da se shodno tome alociraju potrebna finansijska sredstva.

Pokrećem inicijativu za postavljanje saobraćajne signalizacije i obilježavanje pješačkih prelaza i postavljane ležećih policajaca u naselju Rosulje ulica 24. juni. Obrazloženje: Obzirom da se tokom jutarnjih i popodnevni gužvi dobar dio saobraćaja odvija baš kroz naselje Rosulje, vozači nerijetko iskoriste dužinu i širinu ceste da „daju gas“, te tako ugroze stanovništvo i djecu koja prelaze ulicu i idu u obližnje obdanište i kreću se prema školama u donjem dijelu Vogošće. U čitavom naselju ne postoji vertikalna i horizontalna saobraćajna signalizacija/pješački prelazi, znakovi i dr. koji bi vozače upozorili na pješake i sl. U večernjim satima se jako često dešava da se mlađi vozači neprimjereno velikim brzinama kreću kroz navedene ulice i tako, osim što ugrožavaju pješake, prave buku i narušavaju mir.

I još jedna inicijativa Ovim putem podnosim inicijativu za obezbjeđivanje parking prostora za stanare zgrada 24. juni br. 40 i 42, naselja Rosulje.

Obrazloženje: Na navedenoj lokaciji postoje dva novoizgrađena stambena objekta stara nekoliko godina sa približno 150 stambenih jedinica, bez obezbijeđenog i jednog parking mjesta. Problem nedostatka parkinga je aktuelan od samog početka useljavanja u navedene objekte, i svakom danom je sve gore. U popodnevni satima, svi trotoari su uglavnom prekriveni parkiranim vozilima što ugrožava saobraćaj i kretanje pješaka. Hvala.

Zastupnik Dževad Poturak je podnio sljedeće (citiramo): Za danas imam dva zastupnička pitanja. Prvo pitanje se odnosi na Ministarstvo saobraćaja da mi se dostavi Molim Ministarstvo saobraćaja da mi dostavi informaciju o stanju cesta po kojima će saobraćati novi trolejbusi, da li su one u takvom stanju da neće nanositi štetu novim trolejbusima? Također molim Ministarstvo saobraćaja da mi odgovori da li postoji plan mjera zaštite novih trolejbusa od uništavanja i vandalizma, te plan servisiranja i nabavke servisnih dijelova?

Moje drugo pitanje jeste molim Kantonalnu javnu ustanovu za zaštićena prirodna područja da

mi dostavi:

1. Procjenu zdravstvenog stanja šuma u zaštićenim prirodnim područjima Kantona Sarajevo koju je 2018. i 2019. godine radio Šumarski fakultet u Sarajevu
2. Rezultatima mikrobiološke i fizičko - hemijske analize vode, kontrole rezidualnog hlora i monitoringa površinske vode na području Spomenika prirode "Vrelo Bosne" u 2018. i 2019. godini (molim dokument sa tačno izraženim brojevanim vrijednostima mjernih jedinica kod svih mjerenja osim mikrobiološke)
3. Rezultate uzimanja uzoraka i ispitivanja otpadnih voda iz bioprečištača – usluge monitoringa otpadnih voda koje je radilo pravno lice Dvokut pro d.o.o u 2018. i 2019. godini zahvaljujem.

Zastupnica Samra Ćosović Hajdarević je podnijela sljedeće (citiramo): Ja podnosim zastupničku inicijativu Ministarstvu saobraćaja Kantona Sarajevo.

Molim Ministarstvo saobraćaja Kantona Sarajevo da preispita sigurnost saobraćaja u naselju Alipašino polje, općina Novi Grad Sarajevo, na raskrsnici ulica Bosanska, Ive Andrića i Semira Frašte, te da pristupi rješavanju sigurnosti saobraćaja na odgovarajući način.

Obrazloženje:

Povodom učestalih saobraćajnih nesreća u naselju Alipašino polje, Općina Novi Grad Sarajevo, tačnije raskršće ulica Bosanska, Ive Andrića i Semira Frašte. Na navedenoj raskrsnici svaki mjesec smo svjedoci o jednoj saobraćajnoj nesreći. Riječ je o jako prometnoj raskrsnici, gdje se kreću građani grada Sarajeva, a najviše djeca jer se u blizini nalaze dvije osnovne škole Fatima Gunić i Meša Selimović. U navedenim nesrećama u mnogo slučajeva automobili su završavali na trotoarima, pored semafora, tako da su pješaci posebno ugroženi i to je jedan od najvećih motiva obraćanja. Zadnja nesreća koja se desila je 17.05.2019.godine, a u ovoj godini je bilo još saobraćajnih nesreća od kojih ću samo navesti neke i to tačnije (24.01.2019. ; 19.03.2019. ; 26.04.2019.). Molim Ministarstvo da pristupi ozbiljno ovom problemu. Hvala.

Zastupnik Senad Hasanović je podnio sljedeće (citiramo): Za ovu sjednicu imam dvije inicijative i jedno pitanje.

Radi očuvanja života i zdravlja korisnika lokalnih vodovoda na području Općine Vogošća pokrećem inicijativu prema Vladi Kantona Sarajevo da pristupi izradi planova, projekata za uređenje lokalnih vodovoda i njihovo uvezivanje u sistem gradskog vodovoda, te izmjenu i dopunu zakonskih i podzakonskih akata kako bi se upravljanje i održavanje lokalnih vodovoda predalo u nadležnost KJKP Vodovod i kanalizacija d.o.o. Sarajevo.

OBRAZLOŽENJE:

Na području Općine Vogošća imamo 11 lokaliteta na kojima građani koriste lokalne vodovode i u najvećem broju slučajeva to je jedini izvor vode za stanovnike na tim lokalitetima jer nemaju pristup „gradskoj vodi“. Gazdovanje nad ovim vodovodima vrše lokalni odbori koji su formirani od strane savjeta mjesnih zajednica, iako Općina Vogošća izdvaja značajna sredstva za sanaciju i unapređenje kvaliteta samih vodovoda kao i na edukaciju i obuku članova odbora vrlo često smo svjedoci da voda iz ovakvih vodovoda nije higijenski ispravna. Na osnovu nalaza Zavoda za javno zdravstvo KS o zdravstvenoj ispravnosti vode, stanovnici koji koriste vodu iz lokalnih vodovoda Blagovac, Krivoglavci, Svrake, Paljevo i Tihovići vrlo često budu obavješteni da voda nije za piće kao ni za tehničku upotrebu, a sve na osnovu ranije uzetih uzoraka vode.

Dakle u svakoj od ovih epizoda uzbunjivanja stanovnika protekne duži ili kraći vremenski period između zagađenja, uzimanja uzoraka i upozorenja da voda nije za upotrebu, u tom periodu građani svoje zdravlje izlože značajnom riziku a da toga nisu ni svjesni. Smatramo da

je krajnje neprihvatljivo građane izlagati stalnim rizicima od zagađenja, dijeliti ih na one koji imaju „gradsku vodu“ i one koji imaju vodu iz lokalnih vodovoda čije gazdovanje je prepušteno lokalnim odborima uz jedinu obavezu da saraduju sa Zavodom za javno zdravstvo Kantona Sarajevo. Uvažavajući činjenicu da se radi o zahtjevnom projektu, koji traži značajan angažman nadležnih kao i finansijska sredstva neophodna za realizaciju, predlažemo da Vlada Kantona Sarajevo zauzme stav o neophodnosti rješavanja ovog problema, te u budžetu za narednu godinu predvidi finansijska sredstva za navedene aktivnosti.

Drugu inicijativu podnosim prema Ministarstvu saobraćaja Kantona Sarajevo da u koordinaciji sa firmom Centrotrans dd Sarajevo osigura korigovanje reda vožnje na autobuskoj liniji Park Šip- Bušća u smislu uvođenja određenog broja vožnji i subotom.

Preostala pitanja ću dostaviti u pisanoj formi. Hvala.

Zastupnica Bislina Šahman je podnijela sljedeće (citiramo): Imam tri kratke inicijative. Sve su za Vladu Kantona. Prva inicijativa je da novoimenovani direktori daju informaciju o stanju u javnim informacije o stanju u javnim ustanovama svaka tri mjeseca, o planiranim i provedenim aktivnostima.

Obrazloženje: Nakon godinu ili više upravljanja javnim preduzećima često se dešava da direktori naprave toliko propusta da je nemoguće pomoći u rješavanju nagomilanih problema, a kasnije ti isti direktori ne odgovaraju za učinjeno.

Također Vladi Kantona da se imena i reference članova komisije iz svakog resora budu transparentna i objavljena na web stranicama.

Također za Vladu Kantona da imena i reference UO i NO budu javna na stranicama kako bi imali informaciju šta i koliko oni mogu pomoći toj ustanovi. Ukoliko je moguće da nam daju povremeno i izvještaje. A obrazloženje je da mislim da postaju UO i NO nesvrshodni, da služe samo za tzv uhljebljavanje. Isplatu paušala i često se zakazuju samo iz tog razloga.

Zahvaljujem Ministarstvu prostornog uređenja na odgovoru na moju inicijativu o selekciji otpada i molim da ga proslijede Federalnom Ministarstvu za turizam i okoliš. Zahvaljujem.

Zastupnica Segmedina Srna Bajramović je podnijela sljedeće (citiramo): Moju prvu inicijativu upućujem Komisiji za obrazovanje i nauku Skupštine Kantona Sarajevo.

Na samom početku moram naglasiti da se ne radi o klasičnoj formi, niti inicijative, niti pitanja. Prošle sedmice sam dobila anonimno pismo zabrinute majke koja smatra da je njeno dijete kao i mnoga druga, kako navodi, žrtva kontaminiranog procesa prijemnog ispita kada je u pitanju upis na jedan od fakulteta UNSA. Ne želim prejudicirati stvari, ali ne mogu ostati nijema na činjenicu da pismo postoji, i da sadrži argumentaciju bez obzira što je anonimno. Činjenica da je pismo anonimno sama po sebi pokazuje koliko smo daleko od uređenog društva u kojem strah ne bi trebao biti prateći osjećaj za bilo kakvo ukazivanje na potencijalnu nepravdu. Stoga želim da u formi inicijative isto proslijedim na razmatranje Komisiji za obrazovanje na utvrđivanje tačnosti svih navoda koji se u njemu nalaze. Nadam se da majka gleda sjednicu Skupštine, jer ne postoji drugi način da joj saopštim kako sam pismo dobila i prosljedila nadležnim na utvrđivanje činjenica. Iskoristila bih priliku na kraju da ohrabrim sve naše sugrađane da se slobodno, i bez straha potpisuju na sve inicijative koje nam šalju, jer samo tako možemo konstantno komunicirati, te zajednički iskoračiti u društvo slobode govora i jednakih prava za sve.

I imam još jedno zastupničko pitanje. Upućujem ga Turističkoj zajednici Kantona Sarajevo koja je donijela odluku o izboru korisnika za dodjelu bespovratnih sredstava na osnovu provedenog Javnog poziva 4/2019 za realizaciju programa, projekata i sličnih aktivnosti značajnih za razvoj i promociju turizma u Kantonu Sarajevo. Pravo na korištenje novčanih sredstava Turističke zajednice Kantona Sarajevo ostvarilo je 40 aplikanata. Nezadovoljstvo zbog ovakve raspodjele novca izrazili su pojedinci smatrajući spornim odluku, odnosno

kriterije po kojim najstariji muzički festival i jedan od važnijih međunarodnih kulturnih događaja u BiH nije dobio niti jednu marku. Uzimajući u obzir da je ova koaliciona većina od početka uspostavila standarde apsolutne transparentnosti, želim vjerovati kako ne postoji niti jedan razlog da ne objavimo sve relevantne informacije kako bi se potpuno dekontaminirao javni poziv TZ KS. Stoga bih zamolila direktora Turističke zajednice Kantona Sarajevo, da mi prvo dostavi imena članova komisije kako ista ne bi ostala u javnosti “bezimena komisija”, te kriterije po kojima se vršilo ocjenjivanje kandidovanih projekata značajnih za razvoj i promociju turizma u Kantonu Sarajevo, planiranih da se finansiraju bespovratnim iznosom od 700.960 KM. Toliko. Zahvaljujem.

Zastupnica Admela Hodžić je podnijela sljedeće (citiramo): Ja za danas imam jedno zastupničko pitanje upućeno Vladi Kantona Sarajevo i nadležnom resornom Ministarstvu. Svjedoci smo da ste se ovih dana javno pohvalili da ste prvi put nakon agresije obnovili Spomen park Vraca i da je zasijao punim sjajem, osvjetljen i očišćen te vratio izgled kakav je imao prije agresije.

Svi koji poznaju Zakon i propise mogu da zaključe da je za takav projekat potrebno mnogo više od par svjetiljki, kablova i pribora za čišćenje. Molimo Vas da nam dostavite tehničku dokumentaciju i projektnu dokumentaciju za ovaj projekat? Također da nam dostavite tendersku dokumentaciju te potrebne saglasnosti Općine I Grada? Molimo Vas da nam dostavite saglasnost/odobrenje Kantonalnog zavoda za zaštitu kulturno-historijskog i prirodnog naslijeđa bez kojeg po Zakonu ne bi smjeli raditi ovakav jedan ozbiljan projekat. Naravno ukoliko se ne radi samo o popravci par kablova, svjetiljki i čišćenju Spomen parka Vraca koji je već mnogo godina prije obnovljen. Hvala.

Zastupnica Jasna Duraković je podnijela sljedeće (citiramo): Naime danas imam jednu zastupničku inicijativu koju upućujem prije svega MUP KS i Ministarstvu saobraćaja KS da se u ulici Skenderija, općina Centar, komplet dionica od platoa Skenderija do ulice Čobanija, postave “ležeći policajci“ i da se postavi znak ograničenja brzine. Obrazloženje: Naime, motorna vozila u ovoj ulici prolaze velikom brzinom, a u proteklom periodu su zabilježeni mnogobrojni udesi, udarci pješaka i biciklista, pa čak i strašni tragični ishodi, gdje su nedužni pješaci izgubili živote zbog divljana nesavjesnih vozača po sarajevskim ulicama. Ovo je jedna od tih ulica gdje se u proteklom periodu zaista bilježi veliki broj i porast ovakvih nesavjesnih vozača. Evidentirana je pored toga velika prometnost saobraćaja u ovoj ulici u kojoj je lociran i jedan vrtić, te bi upravo stoga trebali preventivno djelovati kako bi spriječili buduće nesreće i zaštitili primarno veliki broj djece, koja tu na ovom lokalitetu svakodnevno prelaze ulicu. Toliko zahvaljujem.

Zastupnica Vildana Bešlija je podnijela sljedeće (citiramo): Ja ću pročitati, imam par inicijativa, krenut ću sa inicijativom za izmjenu Zakona o administrativnim taksama. U cilju motiviranja obrtnika da registruju svoj obrt.

Tražim da se razmotri opravdanost izmjene člana 20. odjeljak 3. Zakona o administrativnim taksama („Službene novine Kantona Sarajevo“ broj 30/2001 – prečišćeni tekst; 22/2002, 10/2005, 26/2008, 23/2016) koji se odnosi na privredne takse i to konkretno tarifnog broja 19.2. Obrazloženje: Tarifni broj 19.2. zakona odnosi se na visinu administrativne takse potrebne za izdavanje rješenja kojim se odobrava osnivanje ili obavljanje privrednih i profesionalnih djelatnosti ostalih subjekata. Iznos administrativne takse za osnivanje i bavljenje obrtom, bio on osnovno ili dodatno zanimanje, je 80,00 KM. Radi se o iznosu koji se uplaćuje na račun kantona prilikom preuzimanja rješenja. Smatram da se radi o izuzetno visokom iznosu, koji zajedno sa troškovima pribavljanja dokumentacije guši želju mnogih obrtnika da registruju svoj obrt. Vlada Kantona Sarajevo bi trebala ozbiljno razmotriti

racionaliziranje iznosa ovog tarifnog broja. Trenutno se jako puno naših sugrađana i sugrađanki bavi sitnim, kućnim obrtom kao dodatnim zanimanjem, a predug proces i troškovi registracije ih obeshrabruju da se na istu i odluče. Pokažimo da smo kanton koji cijeni poduzetnički duh i samoinicijativu građanstva.

Druga inicijativa se odnosi na objavljivanje elektronskog vodiča za osnivanje biznisa na web stranici Ministarstva privrede Kantona Sarajevo. Smatram da bi Ministarstvo privrede Kantona Sarajevo trebalo građanima približiti kompletan proces i eventualne prepreke pri osnivanju vlastitog biznisa. Opštepoznato je da period prikupljanja dokumentacije za registraciju može biti dugotrajan i izrazito frustrirajući. Mislim da građanima i investitorima treba ponuditi vodič koji će im pomoći da lakše razumiju „papirološke” izazove koji obično stoje na putu prilikom osnivanja društva. Ovaj vodič bi trebao da sadržava korake ka registraciji svih vrsta društava. Mišljenja sam da bi ovo bio važan korak ka edukaciji i motivisanju ljudi da svoje ideje pretoče u konkretne akcije, a Ministarstvo privrede treba da bude servis kako bi im se sve procedure bile približene.

I treću inicijativu ću za postavljanje automatskih javnih toaleta na više lokacija u Kantonu Sarajevo u saradnji sa općinama ili u obliku javno privatnog partnerstva. Ovom inicijativom želim da potaknem poboljšanje javne higijene, naročito u užoj turističkoj jezgri Sarajeva. Svake godine povećava se broj turista u Kantonu Sarajevo i također, proces postavljanja automatskih javnih toaleta ne treba nužno biti ograničen samo na užu teritoriju, znači centralnu i trebalo bi da poboljšamo komunalnu infrastrukturu i higijenu jer znamo da je vrlo narušena u cijelom Kantonu. Hvala.

Zastupnik Zvonko Marić je podnio sljedeće (citiramo): Ja imam dvije inicijative, mada imam i nekoliko pitanja ali fokusirat ću se na ove dvije inicijative. Na temelju članka 213 Poslovnika Skupštine Kantona Sarajevo podnosim inicijativu prema Vladi Kantona Sarajevo za obnovu objekta Šumarski školski centar Ilidža koji je jedini srednjoškolski, naglašavam jedini srednjoškolski objekat koji nije obnovljen nakon rata, a spada među najstarije školske ustanove. Obnovom ovog objekta. Moram naglasiti, koristi bi imali učenici i nastavno osoblje Srednje škole za okoliš i drveni dizajn, jer bi na jednom mjestu imali odlične uslove za realizaciju kako teorijske tako i praktične nastave, a sektor drvo-prerađivačke industrije je već godinama u ekspanziji sa jako velikim učešćem same industrije u školovanju i stipendiranju učenika. Evo malo kratko obrazloženje. Naime, tehnička škola u Sarajevu je utemeljena 1889 godine u vrijeme austro-ugarske okupacije. Nakon toga su se razvijale nekoliko rudarska, saobraćajna, šumarska. Rudarska doduše nikada nije zaživjela ali ono što ću kazati, ono znate da je bilo od 48 do 52 godine svojevrsna pauza. A također moram istaći da je 59 Šumarski školski centar sa okolišem sa zgradom utemeljen i bio je osnova razvoja u ovoj oblasti. Moram kazati s obzirom na devastacije šuma i svega onoga što se dešava nestručnim rukovođenjem upravljanjem itd nanosena je ogromna šteta budućim generacija i bilo bi dobro da vratimo njima dug za ono što smo oskrnavili i uništili njihovu perspektivu pa ovim Srednjoškolskim centrom, ne samo šumarskog s obzirom na broj hektara koje posjeduje imala bi uvjeta i da se formira Šumarska akademija. Dakle, gdje bi se sve stacioniralo i lociralo na jednom mjestu i ukoliko je BH bogata šumom, a jeste i očigledno je da je to jedan od naših glavnih resursa iako smo ga devastirali i uništili, mislim da budućnost im treba otvoriti na taj način i školovati sve profile šumarskih zanimanja. I ono što je posebno značajno, možda je šansa i za ovu Vladu i ovu parlamentarnu većinu da ovaj kapitalni projekat aktivira i da ga stavi u funkciju kako bi se nadomjestilo sve ono što je propušteno u proteklim godinama. Dakle šire ću obrazložiti naravno u pisanoj formi.

I još jedna inicijativa budući da sam predsjedavajući Skupštine Ministarstvo za prostorno uređenje, građenje i zaštitu okoliša, komunalnu privredu u nekoliko navrata sam govorio o upitnoj kvaliteti vode za piće u VIK-u. Na sjednici komisije koju smo organizirali jednoglasno

je usvojen prijedlog ili zaključak da se održi jedna tematska sjednica vezana za tu problematiku. I u tom smislu molim, budući da tu treba djelovati interresorno i Ministarstvo privrede i Ministarstvo komunalne privrede ali i građenja, da poduzmu aktivnosti u ovom smjeru i da pripreme sve ono što je potrebno za održavanje ovakve sjednice. Hvala.

Zastupnik Damir Nikšić je podnio sljedeće (citiramo): Imam tri inicijative. Zastupnička inicijativa o anketiranju korisnika usluga upravitelja stambenih zgrada.

Podnosim inicijativu da Vlada Kantona Sarajevo, tj. Ministarstvo prostornog uređenja, ili već ko je nadležan, građenja i zaštite okoliša pripremi, i na jesen provede anketu među građanima-korisnicima usluga deset upravitelja stambenih zgrada u Kantonu Sarajevo. **Obrazloženje:** Čini se da zabrinjavajuće veliki broj građana-korisnika usluga upravitelja nije zadovoljan uslugama. Ako anketa utvrdi to kao činjenicu, onda će se morati preispitati rad Sektora za upravljanje, realizaciju projekata i nadzor u stambenoj oblasti koji bi trebao vršiti nadzor nad radom upravitelja, ili pak pristupiti izradi nacрта Zakona o izmjenama i dopunama Zakona o održavanju zajedničkih dijelova zgrade i upravljanju zgradom koji bi bolje regulisao ovu oblast tako što bi s jedne strane olakšao i ubrzao procese promjene upravitelja, dok bi s druge strane bolje i preciznije definisao certificiranje upravitelja stambenim zgradama. Imam još puno napisanog tu, ali ću vam predati pa ćete to pročitati.

Druga inicijativa, pokrećem inicijativu moratorija na izgradnju objekata na Bjelašnici.

Obrazloženje: Izgradnja bilo čega na Bjelašnici, a pogotovo velikih sportskih objekata sa klozetima, tuševima i ostalim, apsolutno se ne smije nastaviti dok se ne obezbijedi adekvatna kanalizaciona mreža i njome zaustavi zagađenje vrela Bosne. Onima kojima još nije došlo iz stražnjice u glavu moram skrenuti pažnju: zagadili smo Bosnu na njenom izvoru i to sopstvenim fekalijama. Drugim riječima: politička i druga elita Sarajeva je praktično ispraznila svoja debela crijeva na našu Bosnu. Ako problem Bjelašnice i zagađenja vrela rijeke Bosne nekom i dalje nije jasan, ako je neko razvio slijepu mrlju za taj problem ili pak namjerno okreće glavu od njega, možda bi ovaj problem trebalo institucionalizirati u saradnji sa Zelenim Evrope i svijeta kako bi konačno razbudili nešto razuma i u glavama ovdašnjeg političkog društva i svih Bosanaca i Hercegovaca u zemlji i van nje.

Problem zagađenja vrela rijeke Bosne je prisutan godinama. On se nalazi u srcu ove zemlje, nadomak glavnog grada države i tiče se zagađivanja izvora rijeke po kojoj se ova država zove, stoga zaslužuje konstantnu pažnju istog pa i mnogo većeg intenziteta od aktualnog problema još neizgrađene deponije nuklearnog otpada na Trgovskoj gori u Republici Hrvatskoj.

Treća inicijativa, davanje autentičnog tumačenja Zakona o osnovnom odgoju i obrazovanju.

Tražim autentično tumačenje Člana 7. Zakona o osnovnom odgoju i obrazovanju ima dalje Službene novine i to sve.

Obrazloženje:

Smatram da ovaj član Zakona o osnovnom odgoju i obrazovanju, jednako kao i podzakonski akti po više osnova nisu u skladu sa Ustavom Kantona Sarajevo. Šta je jel izmijenjen? Aha.

1. Ustav Kantona Sarajevo i Ustav Federacije BiH jasno i na isti način određuju tri službena jezika koji se jednako koriste u svim kantonalnim i entitetskim institucijama, te smatram da Zakonom o osnovnom odgoju i obrazovanju nije moguće ukinuti dva od tri službena jezika u procesu nastave u obrazovnim institucijama Kantona Sarajevo.

2. Član 7. Zakona o osnovnom odgoju i obrazovanju nije potpun jer ne precizira jasno na kojem od "tri zvanična jezika konstitutivnih naroda Bosne i Hercegovine" se nastava i drugi oblici odgojno-obrazovnog rada u školi imaju izvoditi, već prepušta tu odluku roditeljima što predstavlja svojevrstan oblik referenduma koji se na nivou Kantona, po Ustavu, ne može raspisivati.

3. Član 7. Zakona o osnovnom odgoju i obrazovanju ne koristi iste ustavne definicije tri jezika:

Ustav Kantona Sarajevo: Član 5a. Službeni jezici u Kantonu su: bosanski jezik, hrvatski jezik i srpski jezik, a službena pisma su latinica i ćirilica.

Ustav Federacije BiH: Član 6. (1) Službeni jezici Federacije Bosne i Hercegovine su: bosanski jezik, hrvatski jezik i srpski jezik. Službena pisma su latinica i ćirilica.

I samo još ovo a Definicija "tri zvanična jezika konstitutivnih naroda Bosne i Hercegovine" u Zakonu o osnovnom odgoju i obrazovanju ne samo da nije dosljedna, već se suštinski razlikuje od ustavne definicije službenih Jezika u Kantonu i Federaciji.

Ostalo imam ovdje napisano kako i zašto i ostali razlozi. Eto to je sve.

Zastupnica Neira Dizdarević je podnijela sljedeće (citiramo): Za danas imam nekoliko pitanja i inicijativa, pročitat ću tri. Pokrećem zastupničku inicijativu prema Ministarstvu zdravstva Kantona Sarajevo. Molim da Ministarstvo zdravstva KS u sto skorijem roku jasno definiše kriterije za deficitarne usluge, koje će se finansirati iz sredstava Zavoda zdravstvenog osiguranja KS. Na današnjem dnevnom redu se izmjene I dopune finansijskog plana ZZO KS za 2019. godinu gdje su planirana sredstva za finansiranje deficitarnih usluga zdravstvene zaštite po javnom pozivu. Smatram da je neophodno jasno definisati koje usluge se smatraju deficitarnim, te ovim putem upućujem inicijativu resornom Ministarstvu da kriterije, koji će biti sastavni dio javnog poziva, jasno definiše.

Zastupničko pitanje upućujem svim ministarstvima, svim JP i svim JU Koliki je broj uposlenih lica sa invaliditetom na ukupan broj zaposlenih u svim preduzećima i ustanovama u vlasništvu Kantona Sarajevo? (molim pojedinačne informacije). Molim da mi se dostavi informacija o ukupnim finansijskim sredstvima isplaćenim po kazenoj odredbi navedenoj u članu 18. Zakona o profesionalnoj rehabilitaciji, osposobljavanju i zapošljavanju lica sa invaliditetom. Pitanje za Službu za zapošljavanje KS – da li Služba vodi evidenciju o zaposlenim I nezaposlenim (koje traže posao) osobama sa invaliditetom? Naime, Članom 18. Zakona o profesionalnoj rehabilitaciji, osposobljavanju i zapošljavanju lica sa invaliditetom predviđa da će se lica sa invaliditetom zapošljavati srazmjerno sa brojem uposlenih u subjektu, i to u omjeru 1 osoba sa invaliditetom na 16 uposlenih osoba u subjektu. Subjekti koji ne ispunjavaju ovu obavezu su dužni uplaćivati 25% od prosječne plate u FBiH za svako lice sa invaliditetom koje nisu uposliti.

I treća inicijativa, podnosim zastupničku inicijativu Vladi i Skupštini Kantona Sarajevo da u okviru dnevnog reda iduće 13. redovne sjednice Skupštine Kantona Sarajevo uvrsti tačku dnevnog reda o aerozagađenju, na kojoj će biti razmatrane dosadašnje poduzete aktivnosti po pitanju aerozagađenja, te kratkoročne aktivnosti koje se mogu poduzeti do nastupanja zimskog perioda kako bi spremnije dočekali period aerozagađenja i tako zaštititi zdravlje građana Kantona Sarajevo. Toliko hvala.

Zastupnik Sead Milavica je podnio sljedeće (citiramo): Za danas imam jednu inicijativu. Pokrećem inicijativu da Vlada Kantona Sarajevo donese pravni okvir kojim bi se odredili uslovi koje mora ispunjavati uplatna mjesta kladionica na području Kantona Sarajevo i to na način da se dosadašnji kriterij neophodne udaljenosti od najmanje 100 metara od vjerskih objekata, te osnovnih i srednjih škola poveća na 1000 metara tj 1 km. Obrazloženje: inicijativu pokrećem zbog učestalosti pojave incidenata, kaznenih djela, pljački, izazivanja opće društvene opasnosti, narušavanja JRiM te prekršaja unutar ili u neposrednoj blizini uplatnih mjesta kladionica, te sve češće ovisnosti o kladenju koja proizvodi sve veći broj društveno devijantnih i socijalno ugroženih osoba što ima za posljedicu niz problema u široj društvenoj zajednici. Posebno izloženi ovim štetnim uticajima su maloljetnici koji iz znatiželje i mladalačke želje za brzom zaradom počinju sa kladenjem a zatim to polako prerasta u ovisnost koje se jako teško riješiti. Kladionice koriste blizinu školama kako bi na velikom odmoru privukli mlade ljude tako roditelji svako jutro iz svojih obično skromnih

kućnih budžeta svojoj djeci daju novac za jelo, međutim mladi vođeni duhom vremena, izigravaju roditeljsko povjerenje i novac koji dobiju troše ispunjavajući tikete u sportskim kladionicama. Dosadašnja zaštita od štetnih uticaja kao što je minimalna zakonska udaljenost od 100 metara od vjerskih objekata, osnovnih i srednjih škola, ne predstavlja udaljenost koja bi na ovaj problem značajnije uticala, te su potrebne ovakve vrste mjera kako bi se ovom društvenom problemu stalo u kraj. Uzevši u obzir sve gore navedeno, smatram da ova inicijativa ima svrhu i opravdanost i molim da se zastupnici u Skupštini Kantona izjasne o ovoj inicijativi. Hvala.

Zastupnik Igor Stojanović je podnio sljedeće (citiramo): Moje prvo pitanje je za ministra Bašića i ja bih tražio usmeni odgovor ako je moguće, a pitanje se odnosi na firmu ZOI'84. Dakle zanima me da li je istina da u ZOI'84 da je bivši direktor posljednji dan svog odlaska, dakle Nevres Alispahić potpisao 16 ugovora na neodređeno vrijeme i oglušio se na moratorij koji je Vlada Kantona Sarajevo uvela i odnosno nametnuno troškove firmi ZOI'84 otprilike oko cca 300.000 KM na nivou godine. Da li je istina da je Elektroprivreda odmah treći dan imenovanja novog menadžmenta u ZOI poslala dopis za izmirenje duga od oko 200.000? da li je opština Trnovo također uputila rješenje o izvršenju od 200.000 prema ZOI? I da li je firma Orman uputila također izvršenje u iznosu od oko nekih 550.000 KM? Ako je to istina ja bih također imao nakon ovih odgovora određeni zaključak. Sačekat ću naravno odgovor.

Na sljedeća tri pitanja molim pismene odgovore. Prvo pitanje se odnosi na Ministarstvo prostornog uređenja. Ko je formirao ekspertni tim za deponiju Smiljeviće, ko je sačinjava i ako je moguće dobiti program rada te komisije i finansijska sredstva vezana za njen rad? Vladi Kantona Sarajevo moje drugo pitanje. Koliki je prihod sredstava od posebnih vodnih naknada shodno zakonima o vodama? U šta su ta sredstva uložena i koliko je novaca dato za uređenje izvorišta i vodozaštitnih zona?

I moje treće pitanje je Ministarstvu privede Kantona Sarajevo zašto se predmeti na izdavanju vodnih akata rješavaju gotovo godinu dana, zašto se ne formira sektor za vode koji bi sačinjavao 4-5 uposlenika, a ne kao dosad samo jedan uposlenik koji ne može odgovoriti u zakonskom roku svim zahtjevima, a kamoli se izjasniti o ostalim projektima o vodama.

Hvala.

Zastupnik Elvedin Okerić je podnio sljedeće (citiramo): Danas imam dvije inicijative, jedna je za Ministarstvo obrazovanja, druga za Ministarstvo finansija. Inicijativa koja se odnosi na Ministarstvo obrazovanja prijedlog preraspodjele sredstava za JU Srednja medicinska škola Jezero Sarajevo. Zamjena dotrajalog mobilijara i opremanje učinioca i kabineta sa nastavnim sredstvima i pomagalicama što podrazumijeva nabavku klupa i stolica, nabavku trenažnih lutki i demonstracionih anatomskih modela za školske kabinete, zamjena i nadogradnja mrežne opreme. Nabavku projektora i projekcionih platna i druge računarske opreme neophodne za nastavni proces. Zatim zamjena dotrajale unutrašnje stolarije na jednom spratu od 30 vrata sa zamjenom i građevinskim radovima oko 15 000 KM. Obrazloženje S obzirom da su u međuvremenu iz drugih izvora obezbjeđena sredstva za sanaciju oštećenog krova molimo da planirana sredstva preraspodijelite na, također nužnu, unutrašnju rekonstrukciju objekta i nabavku opreme i školskog mobilijara po planu kako slijedi u navedenom prijedlogu.

Inicijativa za Ministarstvo finansija. Inicijativa izmjena Zakona o porezu na promet nekretnina i porezu na nasljeđe i poklone Kantona Sarajevo. Zakon o porezu na promet nekretnina i porezu na nasljeđe i poklone Kantona Sarajevo ima odredbe koje u neravnopravan položaj stavljaju obrtnike i vlasnike D.O.O. u članu 16. Zakona (Oslobađanje za privredne aktivnosti) je između ostalog navedeno: "... c) nekretnine koje se unose u društvo prilikom osnivanja društva i kada ulažu u kapital društva (dokapitalizacija), d) promet nekretnina u podjeli nekretnina između članova društva u slučaju likvidacije, koja je nastupila

nakon isteka najmanje pet godina od dana osnivanja društva”. Obrazloženje Dakle, D.O.O. pravni subjekti su u gore navedenim slučajevima oslobođeni od poreza na promet nekretnina, dok to nije slučaj kada je riječ o obrtnicima. Pored navedenog, a zbog činjenice da obrtnik u svom poslovanju za sve obaveze odgovara svojom cjelokupnom imovinom (a ne samo do iznosa uloga, kao što je slučaj kod d.o.o. pravnog lica) prirodno bi bilo da se prenos nepokretne imovine sa obrtnika na obrt i obrnuto ne oporezuje porezom na promet nepokretnosti, jer tu nema prometa-obrt se vezuje za matični broj obrtnika. Oporezivanjem ovog prometa obrtniku se nameće da u suštini dva puta plaća porez na promet nepokretnosti. Prvi put kada nabavlja nekretninu za obrt i drugi put kada radi prenos te imovine sa obrta na sebe kao fizičko lice. Napominjemo da u smislu direktnih poreza (porez na dohodak) ovaj promet ima odgovarajući tretman, tako da se ovim odredbama ne bi stvorio prostor nikakvim manipulacijama i sl. Ostatak inicijative ću dostaviti pismenim putem. Hvala.

Zastupnik Elvis Vreto je podnio sljedeće (citiramo): Ja ću danas postaviti jedno zastupničko pitanje i dvije inicijative a ostale ću predati u pisanoj formi. Zastupničko pitanje upućujem prema Vladi Kantona Sarajevo odnosno Ministarstvu komunalne privrede i infrastrukture da mi odgovore koliko je Vlada i Ministarstvo uključeno u procese na koji način i ako jeste koje aktivnosti se poduzimaju rješavanju problema statusa I preuzimanja prava i imovine UPI Zemljoradničke zadruge Ilidža obzirom na ogromnu zainteresovanost uposlenika da se problem riješi, uz činjenicu da je potpisan memorandum između Općine Ilidža i Fondacije „Dogs Trust“ da se na tom lokalitetu gradi najmoderniji centar za udomljavanje pasa u vrijednosti oko 20 miliona KM a što podržava rukovodstvo i uposlenici UPI ZZ Ilidža ? Ovdje jedno pitanje se odnosi u okviru ovog na Ministarstvo komunalne privrede.

Da li se trenutno dešavaju aktivnosti preuzimanja zemljišta od UPI ZZ Ilidža u korist JP Pokop na proširenju gradskog groblja Vlakovo ?

Obrazloženje: Problem udomljavanja pasa je jedan od problema koji se godinama ne rješava na kvalitetan način, izgradnjom navedenog centra riješilo bi se nekoliko problema po pitanju rješavanja statusa uposlenika UPI ZZ Ilidža, udomljavanja pasa, a efekti bi bili višestruki kako u investicionom dijelu jer se radi od velikom projektu od interesa prije svega za Kanton Sarajevo kao i za Općinu Ilidža na čijoj teritoriji se nalazi lokalitet. Potreba aktivnije uloge Vlade Kantona je neophodna kako bi se problem prevazišao u proceduralnom smislu vezan za formalno pravni način preuzimanja zemljišta i rješavanja statusa UPI ZZ Ilidža i kako bi se planirana investicija realizovala na višestruko zadovoljstvo. Na ovo pitanje u koliko postoje aktivnosti volio bih usmeni odgovor a ko ne onda može i pismeni.

Inicijativa koja se odnosi pokrećem inicijativu prema Ministarstvu saobraćaja, inspekciji za saobraćaj, za rješavanje administrativnih prepreka kojim Ministarstvo putem inspekcije za saobraćaj treba da treba da provede odluku /Pravilnik o fijakerskom saobraćaju u saradnji sa Općinom Ilidža kako bi se realizovala planirana nabavka uniformi za fijakeriste i vreća za zbrinjavanje konjskog otpada na lokalitetu Velika aleja -Vrelo Bosne. Javna ustanova za zaštićena prirodna područja je planom nabavki osigurala sredstva za nabavku uniformi fijakeristima u Velikoj aleji i vreća za zbrinjavanje konjskog izmeta kojim bi se riješio dugogodišnji problem po ovom pitanju. Da bi se provele aktivnosti, inspekcija za saobraćaj mora provesti odluku /pravilnik Ministarstva o fijakerskom saobraćaju a Općina Ilidža treba da propiše izgled uniformi za fijakeriste, to nisu zahtjevne aktivnosti i čudi me do sada nisu riješeno a JU za zaštićena prirodna područja je već dugo sugerira na navedeno sa ciljem implementacije. Hvala predsjedavajući. Ovu drugu inicijativu i ostale ću dostaviti u pisanoj formi.

Dopredsjedavajući Vior Handžić je podnio sljedeće (citiramo): Imam nekoliko inicijativa i pitanja. Evo samo ću neka vrlo kratko spomenuti.

Pokrećem inicijativu prema Vladi Kantona Sarajevo odnosno svim ministarstvima odnosno resorima u Vladi Kantona Sarajevo da prilikom priprema izmjena i dopuna određenih zakonskih rješenja prije nego što ona dođu na sjednicu Vlade i kao finalni akt skupštinskim zastupnicima pošalju na klubove zastupnika te zakone kako bi eventualno klubovi mogli ponuditi neka dodatna rješenja. Zašto ovo govorim? Jer smo mi kao zastupnici, kada već akt kao takav uđe u proceduru proceduralno onemogućeni da komentarišemo eventualno mijenjamo sve one članove koj i nisu obuhvaćeni izmjenama i dopunama tih dokumenata radi efikasnije rada. Podnosim inicijativu prema Upravi policije da se u skladu sa kapacitetima i mogućnostima, pojača kontrola saobraćajne policije na autobuskim stajalištima u Kantonu Sarajevo na glavnim saobraćajnicama a zbog kontinuiranog kratkoročnog i dugoročnog zadržavanja privatnih automobila čime se I onako saobraćajni kolaps dodatno usložnjava I uvećava. Za primjer uzimam Alipašinu ulicu i autobusku stanicu kod pijace Ciglane. I onako je ogroman saobraćajni kolaps prema Vogošći i iz pravca Vogošće autobusi onda na glavnoj saobraćajnici moraju istovarati putnike čime se dodatno usložnjava ta situaciju. Dalje podnosim inicijativu prema Ministarstvu saobraćaja za postavljanje svjetlosnih znakova na pješačke prelaze na kojima saobraćaj nije regulisan semaforском signalizacijom. Da ne čitam sada obrazloženje.

I prema Ministarstvu socijale odnosno socijalna pitanja i rad i izbjeglice, samo da mi se da trenutni presjek stanja odnosno koje se trenutno aktivnosti provode na izradi socijalne karte u Kantonu Sarajevo. Zahvaljujem.

Zastupnik Vedran Jakupović je podnio sljedeće (citiramo): Imam jedno zastupničko pitanje za Ministarstvo kulture, odnosno molbu. Postoji li mogućnost da se ubrza realizacija moje inicijative za davanje na upravljanje trotoara ispred Muzeja Sarajeva 1878 1918 predmetnom Muzeju za naplatu ulaznica za posjetu mjestu Sarajevskog atentata?

Obrazloženje:

Ulazimo u vrhunac turističke sezone s velikim brojem turista koji obilaze pomenutu lokaciju I trebali smo iskoristiti ovaj trenutak za početak naplate ulaznica. Ako može usmeni odgovor bilo bi dobro.

Imam, podnosim inicijativu za osnivanje kantonalnog Ureda ili Agencije za dijasporu. U obrazloženju: kapaciteti bosanskohercegovačke dijaspore su potpuno neiskorišteni, posebno u oblastima privrede, obrazovanja, kulture, zdravstva. Državne i federalne institucije ne obavljaju posao u ovoj oblasti na pravi način, procedure su komplikovane, netransparentne, prezahtjevne. Uzevši u obzir da je Kanton Sarajevo najatraktivniji za naše građane koji žive u inostranstvu smatram potrebnim osnivanje institucije koja bi poboljšala komunikaciju sa bosanskohercegovačkom dijasporom.

Također podnosim inicijativu za osnivanje Kantonalnog ureda ili Agencije za strane investicije. U obrazloženju: Svjedočimo velikom broju zainteresovanih investitora iz inostranstva, iz Evrope, a posebno s Bliskog Istoka koji ulažu u oblasti privrede, nekretnina i si. Ovi potencijalni investitori često su meta fizičkih i pravnih lica iz zemlje i inostranstva koje nude pogrešne informacije, mešetare i nastoje izvući protivpravnu korist. Ovo može dovesti do neželjenih posljedica i odbijanja potencijalnih investitora što naš kanton čini neozbiljnim. Kanton Sarajevo bi trebao imati posebnu instituciju koja će pružati pravovremene, tačne i korisne informacije potencijalnim investitorima.

I treća inicijativa. Podnosim inicijativu da se da se pristupi izradi dokumenta koji bi propisao korištenje povlastica za porodice sa 3 i više djece prilikom treniranja sportova, te kod korištenja kulturnih i sportskih terena i objekata (kina, muzeji, ski-tereni, bazeni itd) koji su u nadležnosti Kantona Sarajevo. U obrazloženju: Bosna i Hercegovina se suočava sa depopulacijom i velikim iseljavanjem stanovništva, naročito mladih. Sve je to između ostalog uzrokovano niskim životnim standardom, gdje je naročito izazovno podizanje većeg broja

djece. Pored ovoga, istraživanja pokazuju da se današnja djeca jako malo bave fizičkom aktivnošću, koja je neophodna za normalan razvoj. Stoga je u sklopu populacijske politike potrebno donijeti mjere koje se već decenijama provode u zemljama koje imaju problem sa depopulacijom stanovništva. Jedna od njih je da se omoguće povlastice u vidu popusta kod korištenja sportskih terena i objekata porodicama sa 3 i više djece, te treniranja nekog od sportova.

Mjesečni termini treniranja sportova kreću se od 30 do 50 KM i više. Što znači da porodice sa 3 i više djece potrebno je izdvojiti minimalno 150 KM (a često i daleko više samo za termine), slična situacija je sa npr ski-kartama kao što su karte za skijaške liftove. Povlastica bi podrazumijevala popust u procentu određenom brojem djece (npr. 2. dijete bi plaćalo 80% cijene, 3. dijete 50% cijene, 4. 30% cijene itd). Ostatak ću naravno navesti u pisanoj formi.

Predsjedavajući je podsjetio da su podnešene inicijative o kojima se zastupnici moraju izjasniti.

Ministar Adnan Šteta je dao usmeni odgovor na pitanja upućena Ministarstvu saobraćaja: „Dobar dan svima. Imao sam dva pitanja usmena, ostali smo samo na jednom, da je jedno usmeno da je drugo pismeno. Po pitanju firme Centrotrans DC na žalost tu da bi dobili pravi odgovor jedini relevantan je pismeno. Zašto? Iz razloga toga što se radi o pitanju za Agenciju kantonalnu za privatizaciju. Radi se o postupku iz 2002 godine. U periodu 2002 – 2005 godina. Ja sam prije 15 dana primio ljude koji su zaposleni tamo, koji su me upoznali s tim predmetom. Provjerio sam sve sa svojim u Ministarstvu o čemu se radi. Taj je predmet već 15 godina na sudu. Pravobranilaštvo je naše ko je zastupa nas. I mislim da bi Kantonalna agencija za privatizaciju tu dala pravi odgovor o tome šta se dešava i dokle je došlo po tom pitanju.”

Ministar Haris Bašić je dao odgovor na pitanje Igora Stojanovića:

„Dakle vaše pitanje kolega zastupniče Stojanoviću da istina je. v.d. direktor ZOI'84 gospodin Kenan Magoda je ovo i prezentirao nedavno na pres konferenciji. Na žalost sve stavke koje ste naveli su tačne. Zadnji dan svoga mandata bivši direktor je zaposlio ili potpisao ugovore o radu sa 16 osoba. Mi smatramo da je to nelegalno, ali svoje mišljenje će dati kompetentna Ministarstva kao što je Ministarstvo pravde i uprave, i Ministarstvo za socijalna pitanja. Da, elektroprivreda, Općina Trnovo i firma Orman su iskoristili određena prava pa su blokirali račune i to zasigurno otežava angžman nove uprave. Međutim, evo, za ovu priliku želim iskazati svoje iskreno zadovoljstvo dosadašnjim angažmanom kolege direktora Magode i nove uprave koja iako se suočila sa ovim nevjerojatnim situacija neke planske ako tako mogu reći, ili simptomatične opstrukcije, ulaže maksimalne napore i uz podršku Vlade će nadam se ako bog da veoma brzo revitalizirati ZOI.”

Zastupnik Igor Stojanović je predložio zaključak po kojem bi se Skupštini kvartalno dostavljala informacija iz JKP ZOI'84.

Predsjedavajući je naglasio da će Kolegij na prvoj narednoj sjednici zadužiti Vladu na osnovu vaše inicijative da dostavlja informaciju iz JKP ZOI'84.

Nadalje, Skupština je pozvana da se izjasni o inicijativi Seada Milavice „Na osnovu člana 106 i 213 Poslovnika inicijativa, pravni okvir da se sa 100 metara od vjerskih objekata, osnovnih i srednjih škola poveća na 1000 metara.”

PREDSJEDAVAJUĆI JE POZVAO ZASTUPNIKE DA PRISTUPE IZJAŠNJAVANJU O INICIJATIVI ZASTUPNIKA MILAVICE.

NAKON ELEKTRONSKOG GLASANJA KONSTATOVANO JE DA JE SKUPŠTINA VEĆINOM GLASOVA (28 „ZA” I 1 „SUZDRŽAN”) USVOJILA INICIJATIVU ZASTUPNIKA MILAVICE.

AD – 2.

PRIJEDLOG ZAKONA O IZMJENAMA I DOPUNAMA ZAKONA O UNUTRAŠNJIM POSLOVIMA KANTONA SARAJEVO - SKRAĆENI POSTUPAK

Ministar unutrašnjih poslova Admir Katica je u skladu sa članom 158. stav 2) Poslovnika Skupštine Kantona Sarajevo ukratko obrazložio razloge za donošenje Prijedloga zakona po skraćenom postupku.

Nakon obraćanja ministra otvorena je diskusija o skraćenoj proceduri donošenja ovog Zakona i jedini prijavljeni diskutant je bio Aljoša Čampara.

S OBZIROM DA VIŠE NIJE BILO PRIJAVLJENIH PREDJEDAVAJUĆI JE POZVAO ZASTUPNIKE I ZASTUPNICE DA PRISTUPE IZJAŠNJAVANJU DA LI ĆE SE PRETRES PRIJEDLOGA ZAKONA O IZMJENAMA I DOPUNAMA ZAKONA O UNUTRAŠNJIM POSLOVIMA KANTONA SARAJEVO PROVESTI PO SKRAĆENOM POSTUPKU.

NAKON GLASANJA KONSTATOVANO JE DA JE SKUPŠTINA JEDNOGLASNO (30 „ZA”) PRIHVATILA PRIJEDLOG DA SE PRETRES PRIJEDLOGA ZAKONA PROVEDE PO SKRAĆENOM POSTUPKU.

Ministar unutrašnjih poslova Admir Katica je u uvodnim napomenama naveo sljedeće:
*„Izmjena člana 56 i još bih zamolio da dosadašnji stav u tom članu da je potrebno korigovati da dosadašnji stav 3) postaje stav 2) pošto je brisan stav 2).
također u jednom članu koji evo posebno napominjem, zato sam rekao 1,5 minuta, neću sve ostalo, da u članu 64 stav 4) dosadašnje tačke kako su navedene 1 b), a,b,c,d,f, i g očigledno tehnička greška, postaju dakle tačke a,b,c,d,e,f,g,g,h i i.”*

PREDSJEDAVAJUĆI JE POZVAO ZASTUPNIKE I ZASTUPNICE DA PRISTUPE IZJAŠNJAVANJU O PRIJEDLOGU ZAKONA O IZMJENAMA I DOPUNAMA ZAKONA O UNUTRAŠNJIM POSLOVIMA KANTONA SARAJEVO.

NAKON GLASANJA KONSTATOVANO JE DA JE SKUPŠTINA JEDNOGLASNO (31 „ZA”) DONIJELA OVAJ ZAKON.

AD – 3.

PRIJEDLOG ZAKONA O DOPUNAMA ZAKONA O PREUZIMANJU, IZMJENAMA I DOPUNAMA ZAKONA O ZAKUPU POSLOVNIH ZGRADA I PROSTORIJA

Prijedlog zakona su zastupnici dobili uz poziv za sjednicu.

Ministar Haris Bašić je podnio uvodne napomene, a nakon njegovog izlaganja zastupnica Amra Junuzović-Kaljić je iznijela stav Komisije za privredu, finansijsku i ekonomsku politiku kako slijedi: „Ja sam htjela samo da istaknem da je Komisija za privredu, ekonomsku i finansijsku politiku jednoglasno glasala za ovaj prijedlog zakona o dopunama Zakona o preuzimanju, izmjenama i dopunama Zakona o zakupu poslovnih zgrada i prostorija. Da smo tom prilikom na komisiji razmatrali ovu dopunu i da smo se složili oko toga da će ovakva izmjena ustvari doprinijeti efikasnosti ekonomskoj efikasnosti poslovnih prostora, dakle društvene imovine kako je ministar istakao. Kao i da će doprinijeti sprečavanju zloupotreba u pogledu korištenja poslovnih prostora i naravno izbjegavanju ovih dugih sudskih postupaka.”

Nakon iznešenog stava Komisije otvoren je prostor za pitanja i diskusiju. Na listi diskutantata našli su se sljedeći zastupnici i zastupnice: Bibija Kerla, Mahir Dević, Zvonko Marić, Aljoša Čampara, Samir Suljević, Igor Stojanović, Jasna Duraković, Vibor Handžić i Damir Nikšić. Na pitanja zastupnika odgovore su dali ministar Haris Bašić i ministrica Lejla Brčić.

S obzirom na zahtjev Kluba zastupnika SBB-a za dodatnim konsultacijama sa Vladom a vezano za ovaj Zakon, predsjedavajući je predložio da se izjašnjavanje odgodi dok se ne završe konsultacije. Ovaj prijedlog je prihvaćen od strane Skupštine sa 27 glasova „za”.

Uslijedila je realizacija naredne tačke dnevnog reda.

AD – 4.

NACRT ZAKONA O LOKALNOJ SAMOUPRAVI

Ministrica pravde i uprave Lejla Brčić je podnijela uvodne napomene po ovom Nacrtu.

Nakon uvodnih napomena predsjedavajući je pozvao zastupnike i zastupnice da se prijave za pitanja i diskusiju. Diskutanti po Nacrtu zakona o lokalnoj samoupravi bili su sljedeći zastupnici i zastupnice: Aljoša Čampara, Segmedina Srna Bajramović, Zvonko Marić, Mahir Dević, Vibor Handžić, Damir Nikšić i Bibija Kerla.

Nakon diskusije po Nacrtu zakona o lokalnoj samoupravi predloženi su sljedeći
ZAKLJUČCI:

1. Utvrđuje se Nacrt zakona o lokalnoj samoupravi;
2. Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće 90 dana.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo je dužna da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedlog zakona o lokalnoj samoupravi.

PREDSJEDAVAJUĆI JE POZVAO ZASTUPNIKE I ZASTUPNICE DA PRISTUPE IZJAŠNJAVANJU O PREDLOŽENIM ZAKLJUČCIMA. ZASTUPNICI I ZASTUPNICE SU PRISTUPILI/LE GLASANJU I NAKON GLASANJA KONSTATOVANO JE DA JE SKUPŠTINA VEĆINOM GLASOVA (22 „ZA”, 8 „SUZDRŽANIH”) DONIJELA OVE ZAKLJUČKE.

U 14,06 SATI PREDLOŽENA JE PAUZA U TRAJANJU OD 75 MINUTA ZA RUČAK I ISTU JE SKUPŠTINA PRIHVATILA.

NASTAVAK NAKON PAUZE

Predsjedavajući je nakon pauze informisao da su završene konsultacije oko Zakona o zakupu poslovnih prostora pa je predložio da se sada Skupština izjasni o samom Prijedlogu zakona. ZASTUPNICI I ZASTUPNICE SU PRISTUPILI/LE ELEKTRONSKOM GLASANJU I NAKON GLASANJA KONSTATOVANO JE DA JE SKUPŠTINA VEĆINOM GLASOVA (2 „ZA”, 6 „SUZDRŽANIH) USVOJILA ZAKON O DOPUNI ZAKONA O PREUZIMANJU, IZMJENAMA I DOPUNAMA ZAKONA O ZAKUPU POSLOVNIH ZGRADA I PROSTORIJA.

AD – 5.

NACRT ZAKONA O IZMJENAMA I DOPUNAMA ZAKONA O OBRAZOVANJU ODRASLIH

Pomoćnica ministricе obrazovanja Lamija Husić je podnijela uvodne napomene po ovom Nacrtu zakona.

Nakon uvodnih napomena otvoren je prostor za pitanja i zastupnica Bibija Kerla se javila za riječ pa je postavila pitanje vezano za 18 stav 3) starog Zakona.

Pomoćnica Lamija Husić dala je sljedeći odgovor:

„Dakle i kroz formu kroz izmjene ovog Zakona, to je u obrazloženju malo pojačali garancije bankovne koje mogu imati privatni osnivači. Ovdje dakle postoji ova garancija ali smo mi dodali da mogu i dodatne garancije postojati u pogledu na Zakon o visokom obrazovanju jer jednostavno želimo da budemo sigurni kada se ustanova osnuje da se ne desi kroz godinu ili dvije dana da osnivač zbog nedostatka sredstava gasi ustanovu. Ona je dobila i prethodnu saglasnost Vlade, i ugled i dignitet našeg Ministarstva koje predlaže taj materijal i Vlade koja je dala saglasnost želimo da držimo na jednom nivou i iz tog razloga smo se odlučili malo pojačati i izmijeniti, dopuniti ovaj član Zakona.”

Predsjedavajući je zaključio raspravu jer nije bilo više prijavljenih i predložio sljedeće
ZAKLJUČKE:

1. Utvrđuje se Nacrt zakona o izmjenama i dopunama Zakona o obrazovanju odraslih;
2. Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće 30 dana.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo je dužna da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedlog zakona o izmjenama i dopunama Zakona o obrazovanju odraslih.

PREDSJEDAVALJUĆI JE POZVAO ZASTUPNICE I ZASTUPNICE DA PRISTUPE IZJAŠNJAVANJU O PREDLOŽENIM ZAKLJUČCIMA. ZASTUPNICI I

ZASTUPNICE SU PRISTUPILI/LE ELEKTRONSKOM GLASANJU I NAKON GLASANJA KONSTATOVANO JE DA JE SKUPŠTINA JEDNOGLASNO (31 „ZA”) DONIJELA OVE ZAKLJUČKE.

AD – 6.

PRIJEDLOG ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM KANTONALNE JAVNE USTANOVE ZA ZAŠTIĆENA PRIRODNA PODRUČJA ZA 2019. GODINU

Po ovom prijedlogu Odluke nije bilo uvodnih napomena a za pitanja se javio zastupnik Mirza Čelik.

Zastupnik Vedran Jakupović se obratio Skupštini ispred Komisije za zaštitu kulturno historijskog naslijeđa a zatim postavio i par pitanja direktoru ustanove.

Nakon Vedrana Jakupovića pitanja su postavili dopredsjedavajuća Danijel Kristić, zastupnica Bibija Kerla i zastupnik Elvis Vreto.

Direktor JU za zaštićena prirodna područja Osman Delić je dao odgovore na pitanja zastupnika i zastupnica.

NAKON OBRAĆANJA DIREKTORA ZASTUPNICI I ZASTUPNICE SU PRISTUPILI/LE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM KANTONALNE JAVNE USTANOVE ZA ZAŠTIĆENA PRIRODNA PODRUČJA ZA 2019. GODINU.

NAKON GLASANJA KONSTATOVANO JE DA JE SKUPŠTINA JEDNOGLASNO (28 „ZA”) DONIJELA OVU ODLUKU.

AD – 7.

PRIJEDLOG ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE ZA 2019. GODINU:

- a) Narodno pozorište Sarajevo;
- b) Sarajevska filharmonija;
- c) Pozorište mladih Sarajevo;
- d) Kamerni teatar ‘55 Sarajevo;
- e) Sarajevski ratni teatar - SARTR;
- f) MES - Međunarodni teatarski festival - Scena MESS;
- g) Muzej Sarajeva;
- h) Historijski arhiv Sarajevo;
- i) Bosanski kulturni centar;
- j) Biblioteka Sarajeva;
- k) Muzej „Alija Izetbegović“, Sarajevo;)

Predsjedavajući je pozvao ministar kulture i sporta Mirvada Kurića da podnese uvodne napomene a prije toga je pozvao zastupnike da se izjasne o tome da li žele jedinstvenu diskusiju po svim programima rada i izjašnjavanje pojedinačno. Skupština je ovaj prijedlog prihvatila jednoglasno (25 „za”).

U diskusiji po programima rada ustanova iz oblasti kulture od a) do k) učestvovali su sljedeći zastupnici i zastupnice: Vedran Jakupović, Segmedina Srna Bajramović i Damir Nikšić.

Nakon iscrpljene liste prijavljenih za diskusiju uslijedilo je izjašnjavanje po svakoj ustanovi pojedinačno.

a)
ZASTUPNICI I ZASTUPNICE SU PRISTUPILI/LE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE „NARODNO POZORIŠTE SARAJEVO“ ZA 2019. GODINU.

NAKON GLASANJA KONSTATOVANO JE DA JE SKUPŠTINA JEDNOGLASNO (30 „ZA”) DONIJELA OVU ODLUKU.

b)
ZASTUPNICI I ZASTUPNICE SU PRISTUPILI/LE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE „ SARAJEVSKA FILHARMONIJA ZA 2019. GODINU.

NAKON GLASANJA KONSTATOVANO JE DA JE SKUPŠTINA JEDNOGLASNO (31 „ZA”) DONIJELA OVU ODLUKU.

c)
ZASTUPNICI I ZASTUPNICE SU PRISTUPILI/LE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE „POZORIŠTE MLADIH“ ZA 2019. GODINU.

NAKON GLASANJA KONSTATOVANO JE DA JE SKUPŠTINA JEDNOGLASNO (31 „ZA”) DONIJELA OVU ODLUKU.

d)
ZASTUPNICI I ZASTUPNICE SU PRISTUPILI/LE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE „KAMERNI TEATAR '55“ ZA 2019. GODINU.

NAKON GLASANJA KONSTATOVANO JE DA JE SKUPŠTINA JEDNOGLASNO (30 „ZA”) DONIJELA OVU ODLUKU.

e)

ZASTUPNICI I ZASTUPNICE SU PRISTUPILI/LE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE „SARAJEVSKI RATNI TEATAR - SARTR“ ZA 2019. GODINU.

NAKON GLASANJA KONSTATOVANO JE DA JE SKUPŠTINA JEDNOGLASNO (29 „ZA“) DONIJELA OVU ODLUKU.

f)
ZASTUPNICI I ZASTUPNICE SU PRISTUPILI/LE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE „MES - MEĐUNARODNI TEATARSKI FESTIVAL - SCENA MESS“ ZA 2019. GODINU.

NAKON GLASANJA KONSTATOVANO JE DA JE SKUPŠTINA JEDNOGLASNO (31 „ZA“) DONIJELA OVU ODLUKU.

g)
ZASTUPNICI I ZASTUPNICE SU PRISTUPILI/LE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE „MUZEJ SARAJEVA“ ZA 2019. GODINU.

NAKON GLASANJA KONSTATOVANO JE DA JE SKUPŠTINA JEDNOGLASNO (31 „ZA“) DONIJELA OVU ODLUKU.

h)
ZASTUPNICI I ZASTUPNICE SU PRISTUPILI/LE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE „HISTORIJSKI ARHIV SARAJEVO“ ZA 2019. GODINU.

NAKON GLASANJA KONSTATOVANO JE DA JE SKUPŠTINA JEDNOGLASNO (31 „ZA“) DONIJELA OVU ODLUKU.

i)
ZASTUPNICI I ZASTUPNICE SU PRISTUPILI/LE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE „BOSANSKI KULTURNI CENTAR“ ZA 2019. GODINU.

NAKON GLASANJA KONSTATOVANO JE DA JE SKUPŠTINA JEDNOGLASNO (31 „ZA“) DONIJELA OVU ODLUKU.

j)
ZASTUPNICI I ZASTUPNICE SU PRISTUPILI/LE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE „BIBLIOTEKA SARAJEVA“ ZA 2019. GODINU.

NAKON GLASANJA KONSTATOVANO JE DA JE SKUPŠTINA JEDNOGLASNO (31 „ZA”) DONIJELA OVU ODLUKU.

k)

PREDSJEDAVALA JE POZVAO ZASTUPNIKE I ZASTUPNICE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM JAVNE USTANOVE MUZEJ „ALIJA IZETBEGOVIĆ“ ZA 2019. GODINU.

NAKON GLASANJA KONSTATOVANO JE DA JE SKUPŠTINA JEDNOGLASNO (31 „ZA”) DONIJELA OVU ODLUKU.

AD – 8.

PRIJEDLOG ODLUKE O VRŠENJU OVLAŠTENJA U PRIVREDNIM DRUŠTVIMA SA UČEŠĆEM DRŽAVNOG KAPITALA IZ NADLEŽNOSTI KANTONA SARAJEVO

Prijedlog odluke su zastupnici dobili u dopunskom materijalu.

Ministrica pravde i uprave Lejla Brčić je podnijela uvodne napomene po ovom Prijedlogu odluke i nakon njenog izlaganja pitanja su imali zastupnik Mahir Dević, zastupnica Bilsena Šahman i zastupnik Aljoša Čampara.

Na pitanja zastupnika i zastupnica odgovore je dala ministrica Brčić. Predsjedavajući je konstatovao da je iscrpljena lista prijavljenih za pitanja pa je otvorio diskusiju. Diskusiju po ovom Prijedlogu odluke učestvovali su sljedeći zastupnici i zastupnice: Mahir Dević, Aljoša Čampara, Elvis Vreto, Vildana Bešlija, Vibor Handžić i Zvonko Marić.

NAKON ZAKLJUČENE DISKUSIJE PREDSJEDAVALA JE POZVAO ZASTUPNIKE I ZASTUPNICE DA PRISTUPE IZJAŠNJAVANJU O PRIJEDLOGU ODLUKE O VRŠENJU OVLAŠTENJA U PRIVREDNIM DRUŠTVIMA SA UČEŠĆEM DRŽAVNOG KAPITALA IZ NADLEŽNOSTI KANTONA SARAJEVO.

NAKON GLASANJA KONSTATOVANO JE DA JE SKUPŠTINA VEĆINOM GLASOVA (19 „ZA”, 5 „PROTIV” I 5 „SUZDRŽANIH”) DONIJELA OVU ODLUKU.

Sumnju u glasanje izrazio je zastupnik Mahir Dević pa je sekretarka po ovlaštenju Almira Kulovac Šetkić provela pojedinačno izjašnjavaње:

1. Aljović Hamed- suzdržan
2. Bešlija Vildana - ZA
3. Bišćević-Tokić Jasmina – OPRAVDANO ODSUTNA
4. Čampara Aljoša - PROTIV
5. Čelik Mirza - PROTIV
6. Čosović-Hajdarević Samra - PROTIV
7. Delalić Sabahudin - ODSUTAN
8. Dević Mahir - PROTIV
9. Dizdarević Neira - ZA
10. Duraković Jasna - SUZDRŽANA
11. Handžić Vibor - ZA
12. Hasagić Amra – PROTIV

13. Hasanović Senad - ZA
14. Hodžić Admela - PROTIV
15. Jakupović Vedran - ZA
16. Junuzović-Kaljić Amra - ZA
17. Kerla Bibija - ZA
18. Konaković Elmedin - ZA
19. Krstić Danijela - ZA
20. Marić Zvonko - SUZDRŽAN
21. Marjanović Damir – OPRAVDANO ODSUTAN
22. Mekić Amel - ZA
23. Memić Arijana - ZA
24. Milavica Sead - ZA
25. Nikšić Damir - ZA
26. Okerić Elvedin - ZA
27. Pecikoza Fahrudin – OPRAVDANO ODSUTAN
28. Pleho Haris - SUZDRŽAN
29. Poturak Dževad - SUZDRŽAN
30. Srna- Bajramović Segmedina - ZA
31. Stojanović Igor - ZA
32. Suljević Samir - ZA
33. Šahman Bilsena - SUZDRŽANA
34. Viteškić Smiljana -PROTIV
35. Vreto Elvis - ZA

NAKON POJEDINAČNOG IZJAŠNJAVANJA KONSTATOVANO JE DA JE SKUPŠTINA VEĆINOM GLASOVA (19 „ZA”,7 „PROTIV” I 7 „SUZDRŽANIH”) DONIJELA OVU ODLUKU.

AD – 9.

PRIJEDLOG ODLUKE O DAVANJU SAGLASNOSTI NA IZMJENE I DOPUNE FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2019. GODINU I NA ODLUKU O IZMJENAMA I DOPUNAMA ODLUKE O IZVRŠAVANJU FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2019. GODINU

Sekretar Ministarstva zdravstva Amela Isić je podnijela uvodne napomene po ovom Prijedlogu odluke a ispred Zavoda zdravstvenog osiguranja Skupštini se obratila v.d. direktorica Zilha Ademaj.

Predsjedavajući je otvorio prostor za pitanja i na listi prijavljenih bili su sljedeći zastupnici/zastupnice: Aljoša Čampara, Vitor Handžić, Danijela Kristić, Igor Stojanović, Segmedina Srna Bajramović, Neira Dizdarević i Bilsena Šahman.

Odgovore prije otvorenja same diskusije po ovom Prijedlogu odluke dala je v.d. direktorica ZZO KS Zilha Ademaj.

U raspravi koja je uslijedila učestvovali su sljedeći zastupnici/zastupnice: Segmedina Srna Bajramović, Neira Dizdarević, Igor Stojanović, Mahir Dević, Damir Nikšić i Zvonko Marić.

Predsjedavajući je zaključio diskusiju te predložio izjašnjavanje o dva Zaključka po jedan podnesen od strane Neire Dizdarević, a drugi zaključak kao njegov prijedlog.

Zaključak zastupnice Neire Dizdarević:

„Nalaže se Vladi Kantona Sarajevo i Ministarstvu zdravstva Kantona Sarajevo da zaduži ZZO Kantona Sarajevo da u skladu sa sredstvima planiranim u izmjenama i dopunama Finansijskog plana ZZO za 2019 godinu u narednih 15 dana raspiše javni poziv za dostavljanje ponuda za pružanje specijalističko konsultativne zdravstvenih usluga”.

NAKON GLASANJA KONSTATOVANO JE DA JE SKUPŠTINA USVOJILA OVAJ ZAKLJUČAK JEDNOGLASNO (21 „ZA”).

Zaključak kao prijedlog predsjedavajućeg Elmedina Konakovića:

„Skupština Kantona Sarajevo sugeriše ZZO Kantona Sarajevo da u saradnji sa KCUS ili na drugi način uspostavi programe pružanja usluga u oblasti dječje kardiohirurgije, koštane hirurgije kod djece, i anomalija koštanog sistema.”

NAKON GLASANJA KONSTATOVANO JE DA JE SKUPŠTINA USVOJILA OVAJ ZAKLJUČAK JEDNOGLASNO (21 „ZA”).

NADALJE, PREDSJEDAVAJUĆI JE POZVAO ZASTUPNIKE I ZASTUPNICE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA IZMJENE I DOPUNE FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2019. GODINU I NA ODLUKU O IZMJENAMA I DOPUNAMA ODLUKE O IZVRŠAVANJU FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2019. GODINU.

NAKON GLASANJA KONSTATOVANO JE DA JE SKUPŠTINA DONIJELA OVU ODLUKU JEDNOGLASNO (29 „ZA”).

AD – 10.

PRIJEDLOG ODLUKE O DAVANJU SAGLASNOSTI NA NACRTE UGOVORA O KUPOPRODAJI NEKRETNINA - ETAŽNO VLASNIŠTVO U STAMBENO-POSLOVNOM OBJEKTU NIZ B, LAMELA B1, B2 I B3, IZGRAĐENOG U NASELJU DOBRINJA V, OPĆINA NOVI GRAD SARAJEVO, KOJE ĆE KANTONALNI STAMBENI FOND SARAJEVO, KAO PRODAVAC, ZAKLJUČITI SA KUPCIMA NEKRETNINA

Predsjedavajući je podsjetio da su naredne tri tačke ista materija pa je preložio da predlagač podnese uvodne napomene po svim tačkama i da se rasprava obavi jedinstveno a glasanje pojedinačno. Ovaj prijedlog Skupština je prihvatila jednoglasno (27 „za”).

Nije bilo potrebe za uvodnim napomena a za diskusiju nije bilo prijavljenih pa su zastupnici pozvani da pristupe izjašnjavanju.

PREDSJEDAVAJUĆI JE POZVAO ZASTUPNIKE I ZASTUPNICE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRTE UGOVORA O KUPOPRODAJI NEKRETNINA - ETAŽNO VLASNIŠTVO U STAMBENO-POSLOVNOM OBJEKTU NIZ B, LAMELA B1, B2 I B3, IZGRAĐENOG U NASELJU DOBRINJA V, OPĆINA NOVI GRAD SARAJEVO, KOJE ĆE KANTONALNI STAMBENI FOND SARAJEVO, KAO PRODAVAC, ZAKLJUČITI SA KUPCIMA NEKRETNINA.

NAKON GLASANJA KONSTATOVANO JE DA JE SKUPŠTINA DONIJELA OVU ODLUKU JEDNOGLASNO (27 „ZA”).

AD – 11.

PRIJEDLOG ODLUKE O DAVANJU SAGLASNOSTI NA NACRTE UGOVORA O KUPOPRODAJI U STAMBENOM OBJEKTU O-3B, IZGRAĐENOM U NASELJU ROSULJE, OPĆINA VOGOŠĆA, KOJE ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE, KAO PRODAVAC, ZAKLJUČITI SA KUPCIMA NEKRETNINA

S OBZIROM DA NIJE BILO PRIJAVLJENIH ZA DISKUSIJU PREDSJEDAVAJUĆI JE POZVAO ZASTUPNIKE I ZASTUPNICE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRTE UGOVORA O KUPOPRODAJI U STAMBENOM OBJEKTU O-3B, IZGRAĐENOM U NASELJU ROSULJE, OPĆINA VOGOŠĆA, KOJE ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE, KAO PRODAVAC, ZAKLJUČITI SA KUPCIMA NEKRETNINA.

NAKON GLASANJA KONSTATOVANO JE DA JE SKUPŠTINA DONIJELA OVU ODLUKU JEDNOGLASNO (26 „ZA”).

AD – 12.

PRIJEDLOG ODLUKE O DAVANJU SAGLASNOSTI NA NACRTE UGOVORA O KUPOPRODAJI U STAMBENOM OBJEKTU K-36, IZGRAĐENOM U NASELJU ŠIP, OPĆINA CENTAR, SARAJEVO, KOJE ĆE FOND KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE, KAO PRODAVAC, ZAKLJUČITI SA KUPCIMA NEKRETNINA

S OBZIROM DA NIJE BILO PRIJAVLJENIH ZA DISKUSIJU PREDSJEDAVAJUĆI JE POZVAO ZASTUPNIKE I ZASTUPNICE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRTE UGOVORA O KUPOPRODAJI U STAMBENOM OBJEKTU K-36, IZGRAĐENOM U NASELJU ŠIP, OPĆINA CENTAR, SARAJEVO, KOJE ĆE FOND KANTONA SARAJEVO ZA

IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNANE OSOBE, KAO PRODAVAC, ZAKLJUČITI SA KUPCIMA NEKRETNINA.

NAKON GLASANJA KONSTATOVANO JE DA JE SKUPŠTINA DONIJELA OVU ODLUKU JEDNOGLASNO (27 „ZA”).

AD – 13.

PRIJEDLOG ODLUKE O DAVANJU SAGLASNOSTI ZA ZAKLJUČIVANJE SPORAZUMA O SARADNJI NA SPROVOĐENJU DRŽAVNOG PROJEKTA “ZATVARANJE KOLEKTIVNIH CENTARA I ALTERNATIVNIH SMJEŠTAJA PUTEM OBEZBJEĐENJA JAVNIH STAMBENIH RJEŠENJA” U OKVIRU PROJEKTA CEB II – PODPROJEKAT KANTON SARAJEVO, OPĆINA HADŽIĆI – TARČIN

S OBZIROM DA NIJE BILO ISKAZANE POTREBE ZA UVODNIM NAPOMENAMA I NIJE BILO PRIJAVLJENIH ZA PITANJA I DISKUSIJU, PREDSJEDAVAJUĆI JE POZVAO ZASTUPNIKE I ZASTUPNICE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI ZA ZAKLJUČIVANJE SPORAZUMA O SARADNJI NA SPROVOĐENJU DRŽAVNOG PROJEKTA “ZATVARANJE KOLEKTIVNIH CENTARA I ALTERNATIVNIH SMJEŠTAJA PUTEM OBEZBJEĐENJA JAVNIH STAMBENIH RJEŠENJA” U OKVIRU PROJEKTA CEB II – PODPROJEKAT KANTON SARAJEVO, OPĆINA HADŽIĆI – TARČIN.

NAKON ELEKTRONSKOG GLASANJA KONSTATOVANO JE DA JE SKUPŠTINA JEDNOGLASNO (27 „ZA”) DONIJELA OVU ODLUKU.

S OBZIROM DA SU ISCRPLJENE SVE TAČKE DNEVNOG REDA PREDSJEDAVAJUĆI JE ZAKLJUČIO RAD NA 12. SJEDNICI I ZAHVALIO SE ZASTUPNICIMA I ZASTUPNICAMA NA PRISUSTVU.

Zapisnik izradila:
Jasminka Deliahmetović

Po ovlaštenju

**SEKRETAR
SKUPŠTINE KANTONA SARAJEVO**

Almira Kulovac Šetkić, dipl. Pravnik

**PREDSJEDAVAJUĆI
SKUPŠTINE KANTONA SARAJEVO**

Elmedin Konaković